



Comhairle Contae
Átha Cliath Theas
South Dublin County Council



Ciste Bonneagair Pobail 2024



Ciste Bonneagair Pobail 2024

Is ciste de €450,000 é an Ciste Bonneagair Pobail lena gcuirtear deis ar fáil do Ghrúpaí Pobail (lena n-áirítear Clubanna Spóirt) cur isteach ar mhaoiniú, chun cabhrú leis an gcostas a bhaineann le tógáil Áiseanna Pobail nó chun áitribh atá ann cheana féin a nuachóiriú agus/nó a shíneadh.

Breithneoidh an ciste ar iarratais maoinithe ó íosmhéid de €5,000 suas go dtí uasmhéid de €50,000.

Ní féidir ach iarratas amháin a dhéanamh in aghaidh an Ghrúpa Pobail nó in aghaidh na Saoráide Pobail beartaithe a bhfuiltear lena tógáil/nuachóiriú/síneadh.

Tá maoiniú ar fáil chun cabhrú le costas tógála/ nuachóirithe/ sínte na Saoráide Pobail amháin. Níltear ceaptha an ciste a úsáid chun tacú leis na costais leanúnacha a bhaineann le Saoráidí Pobail a reáchtáil.

Tabharfar tús áite do ghrúpaí nach bhfuil an deis acu cur isteach ar mhaoiniú ó aon fhoinsé eile don airgead atá á iarraidh.

Ní mór d'iarratasóirí a léiriú go bhfuil gá ann na hoibreacha a chur i gcrích agus conas a chabhrófar freastal ar riachtanais a shainaithin an pobal áitiúil, nuair a bheidh na hoibreacha curtha i gcrích. Ba cheart don iarratasóir a léiriú conas a rachaidh an tsaoráid chun tairbhe d'úsáideoirí díreacha na saoráide, agus chomh maith leis sin cén buntáiste a bhainfidh leis an tsaoráid nua/ leis an tsaoráid nuachóirithe/ forbartha atá ann cheana féin don phobal níos leithne.

Caithfidh iarratasóirí plean buiséid a chur ar fáil agus na costais go léir san áireamh ann, ag léiriú go bhfuil an chuid eile den airgead a theastaíonn don tsaoráid acu (agus fianaise dhoiciméadach mar chruthúnas gurb ann don airgead seo) ionas go gcuirfear na hoibreacha beartaithe uilig i gcrích.

Caithfidh iarratasóirí fianaise a chur ar fáil go bhfuil gach cead cuí faighte acu chun na hoibreacha beartaithe uile a chur i gcrích. Ina measc sin, beidh faomhadh i gceist ó úinéir na Saoráide/ Úinéir na talún a bhfuil an tSaoráid lonnaithe uirthi/a mbeidh an tSaoráid lonnaithe uirthi, chomh maith le fianaise de cheadanna pleanála cuí más bainteach leis na hoibreacha beartaithe.

Ní mór do na hiarratasóirí a léiriú go bhfuil na hacmhainní, an t-ioncam rialta agus an saineolas acu chun an tSaoráid Phobail bheartaithe nua nó an tSaoráid Phobail nuachóirithe/ sínte a reáchtáil.

Tá sé beartaithe go gcaithfí an t-airgead leithdháilte ar fad, agus go gcuirfear na hoibreacha go léir i gcrích roimh dheireadh mhí an Mheithimh 2025. Leis seo, tabharfar tús áite do thionscadail ar féidir leo cloí leis an amscála seo, agus na hoibreacha tógála ar fad a chur i gcrích roimh dheireadh mhí an Mheithimh 2025.

Ní mór iarratas ar mhaoiniú a dhéanamh ar an bhfoirm iarratais oifigiúil ar líne. Ní mór an fhoirm iarratas a chomhlánú ina hiomláine, agus na cáipéisí tacaíochta ábhartha uile a chur ar fáil ar nó roimh an spriocdháta: **Dé hAoine, an 11 Deireadh Fómhair 2024 ar 4pm.** Déanfaidh Coiste moltóireacht ar na hiarratais, bunaithe ar an eolas a chuirfear ar fáil iontu. Féadfar eolas breise a lorg le linn an phróisis measúnaithe.

Treoirínite do mhaoiniú faoin gCiste Bonneagair Pobail 2024

- Ní mór an tSaoráid Phobail atá i gceist san iarratas ar mhaoiniú a bheith lonnaithe laistigh de cheantair riaracháin Chomhairle Contae Bhaile Átha Cliath Theas.
- Ní mór d'iarratasóirí a bheith ábalta fianaise a chur ar fáil go bhfuil gá leis an tSaoráid Phobail nua/ nó le nuachóiriú/ síneadh na Saoráide atá ann cheana féin chun freastal ar riachtanais a shainaithe an pobal áitiúil, agus go bhfuil tacaíocht phobail ann chun na hoibreacha seo a chur i gcrích.
- Caithfidh iarratasóirí a bheith aitheanta go foirmeálta agus caithfidh siad cóip dá mBunreacht a chur isteach lena n-iarratas.
- Ní mór cuntas bainc a sholáthar atá in ainm an ghrúpa a bhfuil an t-iarratas á dhéanamh aige.
- Ní mór cóip de Chuntais Iniúchta nó de Ráitis Bhainc an ghrúpa don 12 mhí roimhe sin a chur isteach. Ní mór don aighneacht reachtaíocht um chosaint sonraí a chomhlíonadh, ní choinneoidh an Chomhairle an fhaisnéis seo.
- Ní mór fianaise ar árachas dóthanach a chur ar fáil, agus ní mór Comhairle Contae Átha Cliath Theas a shlánú ar luach €6.5milliún.
- Caithfidh gach iarratas agus oibreacha molta luach iontach ar airgead a léiriú.
- Caithfidh iarratasóirí plean buiséid a chur ar fáil agus na costais uile san áireamh ann, ag léiriú go bhfuil an chuid eile den airgead a theastaíonn don tsaoráid acu (agus fianaise dhoiciméadach curtha ar fáil mar chruthúnas gurb ann don airgead seo) ionas go gcuirfear na hoibreacha beartaithe i gcrích.
- Ní mór don iarratasóir atá ag cur isteach ar mhaoiniú a bheith ábalta a léiriú:
 - Go bhfuil an Grúpa féin inmharthana ó thaobh airgid de
 - Gur féidir leis an nGrúpa gach costas leanúnach a chlúdach a bhaineann leis an tSaoráid Phobail nua nó leis an tSaoráid Phobail athchóirithe/sínte.
- Caithfidh iarratasóirí fianaise a chur ar fáil go bhfuil gach cead cuí faighte acu chun na hoibreacha beartaithe uilig a chur i gcrích agus caithfidh cead scríofa a fháil ó Úinéir na Saoráide/ón Úinéir Talún murar leis an ngrúpa féin an tSaoráid Phobail/an talamh ar a ndéanfar na hoibreacha beartaithe.
- Ní mór fianaise den chéad pleanála (más cuí) a chur ar fáil, an uimhir thagartha phleanála a lua san iarratas, agus stádas reatha an iarratais a chur in iúl. *Tabhair faoi deara go bhfuil sé i gceist go mbeadh na hoibreacha maoinithe uilig curtha i gcrích faoi dheireadh mhí an Mheithimh 2025.
- Ní bheidh aon chostas a gearradh ar an iarratasóir ná oibreacha a ordaíodh nó a cuireadh i gcrích sular cuireadh iarratas isteach i dteideal an mhaoinithe.
- Íocfar maoiniú cúlghabhálach le hiarratasóirí rathúla go hiondúil (nó de réir a chéile má shocraítear leis an gComhairle é), leis an ngrúpa, nuair a chruthaítear gur cuireadh na hoibreacha ar leithdháileadh an t-airgead lena n-aghaidh i gcrích. Ní mór doiciméid, lena n-áirítear admhálacha, a chur ar fáil mar fhianaise go ndearnadh na hoibreacha agus gur íocadh astu go léir.
- Mar riachtanas de chuid na gCoimisinéirí loncaim, ní mór do gach grúpa an Fhoirm Chláraithe d'Eagraíochtaí Deonacha Neamhbhrabúis a chomhlánú. Ní mór don ghrúpa an Fhoirm seo a chomhlánú agus a sheoladh ar ais chuig na Coimisinéirí loncaim. Ar Uimhir Thagartha Cánach a fháil, ní mór cóip di a chur faoi bhráid na Rannóige Seirbhísí Pobail.
- Ní mór do gach iarratasóir a bheith cláraithe leis an PPN (Líonra Rannpháirtíochta Pobail) agus a uimhir PPN a chur isteach ar an bhfoirm iarratais nuair a lorgaítear í.
- Ní mór aitheantas poiblí a thabhairt do Chiste Bonneagair Pobail Chomhairle Contae Átha Cliath Theas i ngach ábhar bolscaireachta a bhaineann leis an tsaoráid.

Iarratais neamh-incháilithe

Cé nach liosta iomlán é seo, ní fhaomhfar maoiniú do thógáil/ nuachóiriú/ síneadh na Saoráidí Pobail seo a leanas:-

- Saoráidí a bheidh in úsáid chun gníomhaíochtaí/seirbhísí a chur ar fáil a bhfuil sé de dhualgas ar chomhlacht reachtúil iad a chur ar fáil.
- Saoráidí a bheidh in úsáid chun creideamh nó tuairimí polaitiúla a chur chun cinn.

Déantar Deontais Pobail a mheasúnú faoi na príomhcheisteanna thíos:

- Tionchar ar an bpobal áitiúil agus rannpháirteachas leis an bpobal áitiúil
- Grúpaí eile a bheith ann/ ar fáil a dhéanann an obair chéanna/dúbláil gníomhaíochtaí.
- Dea-theist chruthaithe agus acmhainn an ghrúpa an tionscadal a sheachadadh.
- Costais tionscadail atá soiléir agus cruinn a bheith curtha ar fáil.
- Tionscadail/oibreacha a léiríonn luach maith ar airgead.
- Cistí reatha atá ar fáil don ghrúpa/cistí atá ag grúpaí cheana féin agus infhaighteacht foinsí maoinithe eile.
- Tionscadail/oibreacha a léiríonn inbhuanaitheacht.

AN DÁTA DEIRIDH LE HAGHAIDH IARRATAS:

Dé hAoine 11 Deireadh Fómhair 2024 ar 4pm.

Ní mór iarratais a dhéanamh Ar Líne trí Shuíomh Gréasáin Chomhairle Contae Bhaile Átha Cliath Theas ag www.sdcc.ie